

O Eixo Gondomar acada o podium no seu debut nun campionato galego de patinaxe

Escrito por Redaccion @valminorinfo
Domingo, 07 Xuño 2015 20:40



Empeza con bo pé o grupo do Show do [C.D. Eixo Gondomar na súa estrea](#) nun campionato. O sábado 6 de xuño no pavillón municipal das Traviesas celebrouse o Campionato Galego de segunda categoría, onde este grupo participaba por primeira vez e contra todo pronóstico conseguiu alcanzar o terceiro posto na modalidade de grupos show grandes, coa coreografía baseada na película "Avatar".

O grupo está formado por patinadoras xurdidas das escolas municipais de Gondomar na súa meirande parte. O club ten nove meses de vida e dende entón empezaron a adestrar coa ilusión de poder competir a nivel individual e en grupo.

En verbas das adestradoras Yaiza e Mónica Comesaña: *"ser o seu primeiro campionato, saír en primeiro lugar e os nervios xogaron na súa contra, pero demostraron que con ilusión e esforzo todo é posíbel"*.

Ademais deste campionato o C.D. Eixo Gondomar xa competiu con catro patinadoras na Fase de Niveis acadando moi bos resultados.



O Eixo Gondomar acada o podium no seu debut nun campionato galego de patinaxe

Escrito por Redaccion @valminorinfo
Domingo, 07 Xuño 2015 20:40

